

# Канон святому благоверному великому князю Александру Невскому *Память празднуем 23 ноября (6 декабря)*

## *Тропарь, глас 4-й*

Яко благочестиваго корене пречестная отрасль был еси, блаженне Александре: яви бо тя Христос, яко некое Божественное сокровище Российстей земли, новаго чудотворца, преславна и Богоприятна. И днесь сошедшеся в память твою верою и любовью, во псалмех и пениях радуящися, славим Господа, давшего тебе благодать исцелений, Егже моли спасти град сей, и державе Российской Богоугодней быти, и сыновом Российским спастися.

## Канон, глас 4-й

### *Песнь 1*

*Ирмос:* Моря черную пучину невлажными стопами древний пешествовав Израиль, крестообразными Моисеевыми руками Амаликову силу в пустыни победил есть.

Припев: Святей благоверный княже Александре, моли Бога о нас.

Примша в своем сердце, Блаже, Твою благодать духовную твердо премудраго повеления и в души благочестивых вложившаго, похвалами даждь ублажити Александра преславнаго.

Святей благоверный княже Александре, моли Бога о нас.

Светильниче многосветлый Российския земли, чудесы, якоже солнце второе, сияя, всех нас поминай, совершающих память твою, Александре блаженне.

*Слава:* Церкви был еси Христовы красота, блаженне, пением бо сию украсил еси, преславне. И ныне молим тя: свободи ны от всякия брани борителя, поющия тя, Александре.

*И ныне:* Ра́дуйся, благода́ти Исто́чнице; ра́дуйся, ле́стнице и дверь Небе́сная; ра́дуйся, свети́льнице, и ста́мно злата́я, и горó несекóмая, Де́во, Жизнода́вца Христа́ ми́ру ро́ждшая.

### *Песнь 3*

*Ирмос:* Веселі́тся о Тебе́ Це́рковь Твоя́, Христе́, зову́щи: Ты моя́ кре́пость, Го́споди, и прибе́жище, и утвержде́ние.

Святы́й благове́рный кня́же Алекса́ндре, моли́ Бо́га о нас.

Во весь мир про́йде сла́ва чудес твои́х, блаже́нне, и́миже просвети́л еси́ вселенну́ю, от всех напа́стей избавля́я при́сно.

Святы́й благове́рный кня́же Алекса́ндре, моли́ Бо́га о нас.

Благочесті́ваго и венценоснаго Алекса́ндра, соше́дшеся, по досто́янию восхва́лим, я́ко чудес пода́теля оби́льнаго и Го́споду моля́щася о всех нас.

*Слава:* Исто́чник чудес гроб твой яви́ся неисчерпа́емый, от него́же ре́ки исцелений́ излива́еши ве́рно па́мять твою́ творя́щим, блаже́нне.

*И ныне:* Ты Еди́на на земли́ преесте́ственных благі́х Ходата́ица, Ма́ти Бо́жия, была́ еси́: тем Ти, ра́дуйся, зове́м.

Го́споди, поми́луй (*трижды*).

### *Седален, глас 8-й*

Я́ко звезда́ многосве́тлая, от восто́ка произше́д, яви́лся еси́ све́тлаго ра́ди жития́ твоего́ и чистоты́ душе́вныя и телесныя сосу́д Свята́го Ду́ха; и сего́ ра́ди по успению́ твоём от мно́гих лет во грóбе нетле́нны обрето́шася святы́я твоя́ мо́щи, от ни́хже источа́еши ре́ки чудес исцелений́ ве́рно зову́щим ти: ра́дуйся, благове́рный вели́кий кня́же Алекса́ндре.

*Слава, и ныне:* Непоро́чная Агни́ца и нескве́рный черто́г, в дом Бо́жий Богороди́ца Мари́ам с весели́ем вво́дится пресла́вно, Ю́же Ангели́ Бо́жии доринóсят ве́рно, и вси ве́рнии блажа́т при́сно и благодарственно́ пою́т Ей непреста́нно ве́лиим гла́сом: на́ша сла́ва и спасе́ние Ты еси́, Всенепоро́чная.

## *Песнь 4*

*Ирмос:* Вознесена Тя видевши Церковь на Кресте, Солнце Праведное, ста в чине своём, достойно взываючи: слава силе Твоей, Господи.

Святы́й благове́рный кня́же Алекса́ндре, моли́ Бо́га о нас.

Кто лю́бовь твою́ и ми́лость ко всем челове́ком, па́че же к ни́щим изглаго́лет? и по сме́рти у́бо, я́ко жив, просте́рл еси́ ру́ку твою́ и прия́л еси́ от иера́рха сви́ток грехо́в прощ́ения.

Святы́й благове́рный кня́же Алекса́ндре, моли́ Бо́га о нас.

Днесь день свята́го пра́зднственный мно́гия созыва́ет на весéлие духо́вное, и трапéзу, и пи́щу нетле́нных жи́зни Божéственнаго наслажд́ения.

*Слава:* К Божéственному свéту ны́не преста́вился еси́, свéта сын возлю́блен быв, в ра́дости и красоте́ с ли́ки Ангельскими ны́не ра́достно лику́еши, блаже́нне.

*И ныне:* Свéта Твоего́ блиста́ньми озари́, Отрокови́це Всенепоро́чная, е́же в но́щи страсте́й искуше́нии одержи́мое се́рдце моё, Пра́вды Солнце Свет возсия́вши.

## *Песнь 5*

*Ирмос:* Ты, Господи, мой Свет, в мир пришёл еси́, Свет Святы́й, обраща́яй из мра́чна невед́ения véрою воспева́ющая Тя.

Святы́й благове́рный кня́же Алекса́ндре, моли́ Бо́га о нас.

Досточу́дная и пресла́вная па́мять тво́я возсия́ в Росси́стей земли́, блаже́нне, и ра́достно véрных веселит́ собо́ры.

Святы́й благове́рный кня́же Алекса́ндре, моли́ Бо́га о нас.

Отверзо́шася тебе́ двéри Еде́мския, и несказа́нен свет и Триси́янен возсия́, блаже́нне, в неподви́жном Ца́рствии Небе́снем, и пра́ведных весéлие прия́л еси́ раду́ясь.

*Слава:* Ны́не Алекса́ндр вели́кий, сирóт и вдов ми́лостивый печа́льник, Оте́чество своё́ и вся вку́пе я́ве созыва́ет: приидите́, собравше́ся, я́ко о́бщему заступ́нику свéтло торжеств́уем.

*И ныне:* Сый в зра́це Бо́жия, Пребоже́ственный всели́ся во чре́во Твоё́, в зрак мой облече́ся Господь,

Пренепорочная.

### *Песнь 6*

*Ирмос:* Пожру́ Ти со гла́сом хвалéния, Го́споди, Це́рковь вопиéт Ти, от бесо́вския кро́ве очи́щшися ра́ди ми́лости от ребр Твои́х истéкшею Кро́вию.

Святы́й благове́рный кня́же Алексáндре, моли́ Бо́га о нас.

Тво́я свята́я па́мь, Алексáндре, вселéнную веселит, созывáющи ве́рныя в честны́й храм твой, в нёмже ны́не ра́достию совоку́плшеся, тя мо́лим: язы́ческаго нашéствия избáви лю́ди тво́я, пресла́вне.

Святы́й благове́рный кня́же Алексáндре, моли́ Бо́га о нас.

Весéлия днесь вся испóлнися Россíйская земл́я, в нарóчитый день прáздника пресла́внаго чудотво́рца, Алексáндра блаже́ннаго: соблюда́ет бо отéчество своё вы́ну ненавéтно.

*Слава:* Сирóт и вдов заступника и в беда́х непобори́мага помо́щника, пéснями Алексáндра ублажи́м, сла́вяще: прáзднующих бо па́мь его́ весело от бед избавля́ет и скорбе́й.

*И ныне:* Святы́й Иису́с всели́ся во утробу Твою́, во святы́х, Де́во, почивáяй и прославля́яй ве́рою и́стинною сего́, Отрокови́це, сла́влящия.

Го́споди, поми́луй (*трижды*). Слава, и ныне:

### *Кондак, глас 8-й*

Яко́ звездú ты пресвётлу, почита́ем, от восто́ка возсия́вшую и на за́пад прише́дшую: всю бо страну́ сию́ чудесы́ и добро́тою обогаща́еши и просвеща́еши ве́рою чту́щия па́мь твою́, Алексáндре блаже́нне. Сего́ ра́ди днесь прáзднуем твоё успéние, лю́дие тво́я сущия: моли́ спасти́ отéчество твоё и вся притека́ющия к ра́це моще́й твои́х и ве́рно вопию́щия ти: ра́дуйся, гра́ду на́шему утвержде́ние.

### *Икос*

Ве́лий чудотво́рец яви́лся еси́ Россíйския земл́и,

блаженный Александре, невидимо Христо́вы люди посеща́я и исцеления подава́я богáтно всем от души́ приходя́щим и согласно́ вопи́ющим си́це: ра́дуйся, стóлпе пресвѣтлый, просвеща́я нас чудес светлостми́; ра́дуйся, велехвально́го краля́ победивый посóбием Бóжиим; ра́дуйся, свободивый град Псков от неверных; ра́дуйся, латинская́ учения́ презрѣвый и прѣлесть их в ничто́же вмени́вый; ра́дуйся, я́ко восприя́л еси́ в тлѣнных мѣсто нетлѣнная; ра́дуйся, Свѣта Непристу́пнаго зрѣтелю; ра́дуйся, я́ко лику́еши со Ангелы; ра́дуйся, о́блаче росны́й, верных мысли́ ороша́я; ра́дуйся, тѣмных страсте́й прогонителю; ра́дуйся, Росси́йстей земли́ заступниче; ра́дуйся, граду́ нашему́ заступлѣние.

### *Песнь 7*

*Ирмос:* В пещи́ авраамстии́ о́троцы персидстей, любóвию благочестия́ пáче, неже́ли пла́менем, опаля́еми, взыва́ху: благословѣн еси́ в хра́ме сла́вы Твоея́, Го́споди.

Святы́й благоверны́й кня́же Александре, моли́ Бо́га о нас.

Днесь Цѣрковь Христо́ва, прáзднуюши Алекса́ндрово торжество́, бѣвше́е о Бо́зе, соше́дшимся вои́стинну источа́ет исцелѣние, приле́жно моля́щимся и любóвию пою́щим его́.

Святы́й благоверны́й кня́же Александре, моли́ Бо́га о нас.

Во всех стáнах произы́де вещáние: я́ко нáшего гра́да яви́ся чудотворец преслáвен, источа́я исцелѣний мно́жество, всем прося́щим тѣпле.

*Слава:* Днесь весѣ́лия исполня́ется храм Бо́га нáшего, в нёмже лежа́т честны́я мо́щи блаже́ннаго, и вси притека́ющи облобыза́ют со стáхом святу́ю ра́ку преслáвнаго и приѣмлю́т исцелѣние.

*И ны́не:* Вы́шняго освяще́нное Бóжие селѣние, ра́дуйся, Тобо́ю бо даде́ся ра́дость, Богоро́дице, вопи́ющим Ти: благословѣ́на Ты в жена́х еси́, Всенепоро́чная Влады́чице.

### *Песнь 8*

*Ирмос:* Ру́це распросте́р, Дани́ил львов зия́ния в ро́ве затче́; о́гненную же си́лу угаси́ша, добродѣтелию́ препоя́савшеся, благочестия́ рачи́тели, о́троцы, взыва́юще: благослови́те, вся дела́ Госпо́дня, Го́спода.

Святы́й благове́рный кня́же Алекса́ндре, моли́ Бо́га о нас.

Ангельстии́ чи́ни хва́лят тя, пресла́вне, и челове́честии́ ро́ди пою́т непреста́нно, творя́ще ве́рно па́мь твою́, Алекса́ндре великоиме́ните.

Святы́й благове́рный кня́же Алекса́ндре, моли́ Бо́га о нас.

Тебе́ в чуде́сах сла́вна Росси́йским страна́м показа́ Бог, Алекса́ндре, и украси́ тя Небе́сными дарми́: Того́ моли́ поми́ловати всех нас.

*Слава:* Побе́ды истинноиме́нит, воистинну́ ве́рным лю́дем в беда́х и кре́пок помо́щник яви́ся еси́, Алекса́ндре блаже́нне.

*И ныне:* Свяще́нный Тя проро́к благообра́зно пропове́да, Дверь, и Го́ру, и Сень, и Зе́млю Святу́ю, и Облак Све́та, из Него́же во тьме су́щим возсия́ Со́лнце, Де́во, Еди́н Светода́вец.

### *Песнь 9*

*Ирмос:* Ка́мень нерукосе́чный от несеко́мыя горы́, Тебе́, Де́во, краеуго́льный отсече́ся, Хри́стос, совокупивы́й разстоя́щаяся естества́. Тем, веселя́щися, Тя, Богоро́дице, велича́ем.

Святы́й благове́рный кня́же Алекса́ндре, моли́ Бо́га о нас.

Красе́н те́лом и душе́ю, и благоче́стием сия́я, сла́вне, Божество́ннаго ра́зума, орга́н был еси́ Свята́го Ду́ха: и по сме́рти у́бо к безсме́ртной жи́зни и неконча́емому блаже́нству преше́л еси́, ра́дуясь, Алекса́ндре Богому́дре.

Святы́й благове́рный кня́же Алекса́ндре, моли́ Бо́га о нас.

Яко́ светоза́рное, блаже́нне, со́лнце, возсия́в от за́пада, и всю заря́ми благоче́стия Росси́йскую зе́млю просвети́л еси́, и отгна́л еси́ тьму́ глубо́кую ерети́чествующих, Алекса́ндре пресла́вне.

*Слава:* Твое́ свято́е преста́вление днесь све́тло пра́зднуем: испо́лни ра́дости и весе́лия восхваля́ющия тя, Алекса́ндре великоиме́ните.

*И ныне:* Све́том мя Твоего́ милосе́рдия во тьме неразу́мья лежа́щаго озари́, едина́ Светода́вца ро́ждшая, Иза́вителя и Бо́га, святы́х венча́вшего.